

**Uunga siunnersuut: Avatangiisit innarlitsaaliorneqarnissaannut Inatsisartut inatsisaannik allannguineq pillugu Inatsisartut inatsisaat nr. xx, xx. xxx 2021-meersoq**  
(Nunalerinermut, Imminut Pilersornermut, Nukissiutinut Avatangiisinullu Naalackersuisoq)

### **Saqqummiussineq**

(Nunalerinermut, Imminut Pilersornermut, Nukissiutinut Avatangiisinullu Naalackersuisoq)

### **Siullermeerneqarnera**

Avatangiisit pinaveersaartitsinikkut akiuinikkullu illersorneqarnissaat Naalackersuisunit pingaartinneqarpoq. Isumalluutiniq atuinermik tamaangaannartitsisarnermillu killilersuissaagut, aamma eqqakkat eqqortumik passunneqarnissaat, taamaalillutillu pinngortitamut peqqissutsitsinnullu akornusiinnginnissaat qulakkiissavarput.

Avatangiisinut inatsit maannakkut atuuttoq 2011-mi Ukiakkut Ataatsimiinnermi akuersissutigineqarnikuuvoq. Inatsit ataatsimoortitsiviuvoq piffissamullu naleqquttunngorlugu iluarsisaalluni, kisiannili avatangiisinik innarlitsaaliuineq nukittorsaaviginarlugu avatangiisinut inatsimmi ataasiakkaanik allannguineq pisariaqartinneqarpoq. Allannguutit taakku avatangiisinut inatsimmi maanna atuuttumi naapertuutinningsunut iluarsiiuissaq, taamaasilluni inatsisip naappertuunnerusumik ataqatigiinnerusumillu atuutsinneqarnissaanut iluaqusiissallutik. Tassani pingaarnertut suliassaqarfinni pingasuusuni allannguutit pineqarput.

Siullermik avatangiisinut inatsisip suliassaqarfiit ilaanni immami avatangiisinut inatsimmut naleqqussarneqarnissaa Naalackersuisut siunnersuutigaat. Immami avatangiisinut inatsit taaguutiniq piginnaatitsissutinillu, aamma avatangiisinut inatsimmi iluaqutaasumik atorqeersinnaasunik imaqarpoq, taamaalilluni avatangiisinut aalajangersakkat assigiinnerulissammata. Tassani ilaatigut aatsitassarsiornermut inatsimmut killiliinerup oqaasertaa, kiisalu mingutsitsinerup, inatsimmi aalajangersakkanut allanut ilaanngitsup oqaasertaa pineqarput.

Aappaattut inatsisissatut siunnersuummi kukkunerit, avatangiisinut inatsisip pineqaatissiisarnermut aalajangersagartaani nassaarineqartut iluarsiivigineqassapput. Tassani ilaatigut angallatit kivisimasut pillugit maleruagassanik unioqqutitsinerni maannakkut akiligassiisoqarsinnaannginnera pineqarpoq, tamanna siunertaasimagaluartoq.

Pingajuattut inatsisissatut siunnersuummi Naalackersuisut eqqakkanik tikisitsisarnernut avammullu nassiussisarnernut maleruagassanik aalajangersaasinnaanissamut piginnaatinniarnearput. Maleruagassat taakku tunngavigalugit nuna eqqussivissaq immaqaluuniit nuna akunniffissaq eqqakkanik tigusiumanngissinnaasoq tunngavissalimmik ilimagineqarpat, Naalackersuisut eqqakkanik avammut nassiussinissamut inerteqquteqarsinnaanissamut periarfissinneqassapput. Matumani eqqakkanik eqqussinissamut avammullu nassiussinissamut maleruagassanut tapiliussani, nuna tamakkerlugu aamma nunap immikkoortuisa akornanni eqqagassalerinermi suleqatigiinnissamut atugassarititaasut pitsaasut pilersinneqarnissaat siunertarineqarpoq.

Naggasiutigalugu inatsisissatut siunnersuummut, tassungalu nassuiaatinut innersuussissaanga.

Taamatut oqaaseqarlunga Naalackersuisut sinnerlugit allannguutissatut siunnersuut  
Inatsisartuni kajumittumik suliassanngorlugu tunniuppara.